

Слава, глас 8:

Сердцем веровал еси в правду, священниче Бóжий,/ усты́ же гла-
голал еси во спасение: Господь бытиé мое,/ Господь избавление
от вечныя смерти,/ Господь вечный живот мой, Госпóдь очи-
щéние,/ избавление и освяще́ние моé,/ Господь сила в немощи,
пространство в теснотé моéй,/ свет во тьме, мíр в смятéнии
моém./ Сла́ва Тебе, Спасíтелю мóй,/ Сíло Всемогущая, слава
Тебе, Спасíтелю,/ Сило Вездесу́щая, слáва Тебé,/ Утробо Пре-
благосердая, слáва Тебé,/ Сíло Присноотверзающаяся к молит-
вам моим, слáва Тебé,/ Око Светлейшее, вышу на мя зрящее и
вся сокровенная моя ви́дящее./ Темже святе Иоанне, во след те-
бе и мы ко Гóсподу возопи́м:/ слава Тебе, Бóже на́ш,/ дивен еси
во Святы́х Твойx,// дивен еси в научениих их, слáва Тебé.

И ныне: Догматик: глас тойже:

Царь Небéсный/ за человеколюбие на земли яви́ся,/ и с человéки
поживе,/ от Дéвы бо Чистыя плоть приéмый/ и из Нея прошедый
с восприя́тием./ Един есть Сын, сугúб естество́м,/ но́ не Ипо-
стáсию./ Тéмже совершенна Того Бóга/ и совершенна Человека
войстину проповéдающе,/ исповéдуем Христа Бога на́шего:/
Егоже моли, Мати Безневéстная,// помиловатися душáм нашим.

Или Предпразнства, глас тойже:

Восприими Вифлееме Божию Митрополию, Свет бо Незаходи-
мый в тебе родится приходит, ангели удивитесь на небеси, чело-
векы прославите на земли, волсви от Персиды преславный дар
принесите, пастырие свиряюще, трисвятое пение сладце воспой-
те: всякое дыхание да хвалит Вседетеля.

По входе прокимен дне и чтения 3.

**Пророчества Иолиева чтение. Пророчества Иолиева чтение. Соборного
послания Иоаннова чтение.**

НА ЛИТИИ, глас 2:

О крепости моя, Иисусе, Сыне Божий. О свете ума моего и мире и радости сердца моего, слава Тебе. Слава Тебе избавителю от невидимых враг моих: сице взывал еси. Тако и нас вразуми воспети всем сердцем, Господеви, Иоанне праведне, служителю Христов.

Христос вочеловечився, призва к покаянию разбойники и блудницы, и ты, пастырю милосердный, заповедь пастыреначальника исполняя, с мытари ядяше и со грешники беседоваше, вся к покаянию призыва и вся научая молитися: Боже милостив буди мне, грешному, Боже Милостиве, слава Тебе.

Образ Божий есте вы, сего ради храните великий образ сей, образ красоты Божия, образ безмерныя любви Его, да будете чада Отца нашего, иже на небесех, да будете святы, якоже и Отец ваш Свят есть: тако, пастырю богомудрый, паству твою учил еси, тако и сам свято пожил еси.

Слава, глас 1:

Молящеся, Духом Святым молимся, сего ради вся молитвы церковные дыхание Духа Святаго суть и вси христиане рождение Его есмы. Приди убо и вселися в ны, Душе Святый, помилуй и созижди вся ны, да будем едино Тело Христово. Такова бысть непрестанная молитва твоя, предивный Иоанне, отче наш, и послуша тя Бог и помаза тя елем радости вечныя.

И ныне: Богородичен, глас тойже:

Утро светозарное света невечеряго зrim Тя Дево: из Тебе бо произыде иже тьму греховную разгна, Духа теплотою сердца оживив. Того прилежно молящи не престай о нас, Тебе молимся, иже истиную Богородицу исповедающии Тя.

Или Предпразнства, глас тойже:

Приимите ясли, Егоже в купине Моисей законоположник провиде в хориве, ныне раждаема от Девы Духом Божественным. Та есть яже в законе реченная: та есть пророческая печать, яже Бога плотию тленным являющи, Ему же поклонимся.

НА СТИХОВНЕ, ГЛАС 6:

Отче Иоанне преблаженне, всех Святых подражатель быв, Святую веру патриархов стяжал еси, пророков и апостолов ревность, святителей же преподобие и богомыслие, исповедников дерзновение, бесребренников безмездную помощь, преподобных подвижников непрестанную молитву, сего ради святую твою память светло празднуем.

Стих: Расточи, даде убогим, правда Его пребывает во век.

Отче наш Иоанне богоудре, страхом научен Божиим, высоты премудрости разумел еси: любовию же Христу сраспявся и свойственнейший Ему быв, последи страх любовию изгнал еси, имать бо муку страх, якоже апостол любве научил есть нас: темже, отче, верных украшал еси разумы и Бога любити стадо твое научил еси. О Иоанне, Христа Бога моли даровати и нам благодать сию и велию милость.

Стих: Готово сердце его уповати на Господа.

Господь сила сердца моего, Господь свет ума моего, Господь покой мой и радость моя, моя вера, надежда и любы. Сей есть пища моя и питие мое, одежда моя и покров. Вразуми убо и нас, Отче Святый, сия словеса Твоя разумети и в Господе полагати спасение наше, подаждь нам от благостини Твоей, якоже Илия Елиссееви, да будет в Господе вся наша надежда и утверждение.

Слава, глас 8:

Не отцы наши возвестиша нам, ниже старцы поведаша нам, сами бо видехом Тобою бываляемая чудеса, сами испытахом благодать от Тебе изливаемую. Близкни наши исцеляхуся, при кончине сущии здрави от одра возставаху, всякая прошения наша молитвою Твою исполняхуся. Темже почитаем Тя яко угодника Божия и предстоятеля за нас пред Господем.

И ныне: Богородичен, глас тойже:

**Паче всех тварей возвысилася еси, Богородице Дево, зане избра
Тя в жилище Себе иже в Выших живый, да возведет падшее
естество наше, Тем Ти припадаем, яко к Матери Спаса нашего.
Ты еси наша надежда, Ты еси наше упование, не отрини нас,
ищущих Твоего помочи.**

Или Предпразнства, глас тойже:

**Господи, в Вифлеем пришед, и вертеп вселился еси: небо престол
имя, в яслех восклонился еси: Егоже воинства окружают ангел,
пастырем снизшел еси: да спасеши яко благоутробен род наш,
слава Тебе.**

ТРОПАРЬ, ГЛАС 4:

Со апостолы изыде вещание твое в концы вселенныя,/ с испо-
вёдники страдания за Христа претерпёл еси,/ святителем
уподобился еси слова проповеданием,/ с преподобными во бла-
годати Божией просиял еси./ Сего ради вознесе Господь бездну
смирения твоего превыше небес,/ и дарова нам имя твое во ис-
точник предивных чудес./ Темже во Христе во веки живый, чудо-
творче,/ любовию милую сущия в бедах, слыши чада твойя,/ ве-
рою тя призывающая,/ Иоанне Праведне,// возлюбленный
пастырю наш.

**Аще бдение: тропарь святому Иоанну дважды и "Богородице Де-
во": единожды. аще ни: по тропаре**

Слава и ныне: Богородичен, Глас тойже:

Еже от века утаенное,/ и ангелом несведомое таинство/ Тобою
Богородице, сущим на земли явися, Бог/ в неслитном соеди-
нении воплощаешь,/ и крест волею нас ради восприим,/ имже
воскресив Первозданного,// спасе от смерти души наша.

Или Предпразнства, глас тойже:

**Готовися Вифлееме,/ отверзися всем Едеме,/ красуйся, Евфра-
фе,/ яко древо живота в вертепе процвете от Девы:/ рай бо оная**

чрево явися мысленный,/ в Немже Божественный сад,/ от Него-
же ядше, живи будем,/ не якоже Адам умрем,// Христос рожда-
ется, прежде падший возставити образ.

НА УТРЕНИ, НА «БОГ ГОСПОДЬ»

ТРОПАРЬ, ГЛАС 4:

Со апостолы изыде вещание твое в концы вселенныя,/ с испо-
вёдники страдания за Христа претерпéл еси,/ святителем
уподобился еси слова проповéданием,/ с преподóбными во бла-
годати Божией просиял еси./ Сего ради вознесе Господь бездну
смирения твоего превыше небéс,/ и даровá нам имя твое во ис-
точник предíвных чудéс./ Темже во Христе во веки живый, чудо-
твóрче,/ любóвию милуюй сущия в бедах, слыши чáда твойя,/ ве-
рою тя призывающия,/ Иоáнне Праведне,// возлюбленный
пáстырю наш. **Дважды.**

СЛАВА И НЫНЕ: БОГОРОДИЧЕН, ГЛАС ТОЙЖЕ:

Еже от века утаенное,/ и áнгелом несведомое тáинство/ Тобою
Богородице, сущим на земли явíся, Бóг/ в неслйтном соеди-
нении воплоща́емь,/ и крест волею нас ráди восприим/, имже
воскресив Первоздáнного,// спасе от смерти души на́ша.

Полиелей.

Величание:

**Величаем Тя,/ Святый Праведный Отче Иоáнне,/ и чтем святую
пáмять твою,/ ты бо мόлиши за на́с// Христа Бога нашего.**

Псалом избранный:

**Блажéн муж боя́ся Гóспода,/ В заповедех Его́ восхóщет зелó./
Сла́ва и богáтство в дому́ его́./ И правда его́ пребывае́т в век
вéка./ В память вéчную будет прáведник./ Праведник яко фýникс
процветéт, яко кедр, и́же в Ливáне, умнóжится./ Возвеселíтся
праведник о Гóсподе, и уповае́т на Негó./ Се устнáм моíм не воз-
браню́, Гóсподи./ Ты разумéл еси прáвду мою́ и истину мою́:/ И**

язы́к мой поучи́тся пра́вде Твоéй, весь день хвалé Твоéй./ Свет возсия́ пра́веднику, и пра́вым сérдцем весéлие./ Род пра́вых бла-
гослови́тся./ Славою и чéстию венчáл еси́ его./ Яко Ты благосло-
виши пра́ведника Гóсподи./ Яко ору́жием благоволéния венчал
еси́ нас./ В нíхже посетí наст Востóк с высоты́:/ Яви́тися во тме и
сéни смéртней седя́щим:// Напра́вiti ноги на́ша на путь мíрен.

Слава и ныне: Аллилуия. Трижды.

**Прокимен, глас 4: Священницы Твои облекутся в правду и препо-
добний Твои возрадуются.**

Стих: Помяни, Господи, Давида и всю кротость его.

От Луки Святого Евангелия чтение (зач.24).

Слава: Молитвами святаго праведнаго Иоанна...

И ныне: Молитвами Богородицы:

Помилуй мя, Боже...

По 50 пс. стихира, глас 6:

Ангеле земный, друже человеков,/ органе утешителя Духа, носи-
телью любве Христовы,/ печальниче о всем мире и уста всех вер-
ных,/ утешение печальных и скорбящих,/ заступниче гонимых,/ врачу душ и телес,/ отче и молитвеничен, святый праведный
Иоанне,/ приди и стани с нами,/ да вознесем вкупе с тобою хва-
лу и благодарение Спасителю Богу,// славное соверша́я сиé тор-
жество.

**Канон пресвятой Богородицы или Предпразнства на 6 со ирмосом
и святаго на 8, егоже краестрочие: Моя жизнь во Христе, Ему же
пою во вся веки. Катавасия по уставу.**

Глас 4. Песнь 1.

Ирмос: Моря чермную пучину невлажными стопами древний пе-
шешествовав Израиль, крестообразныма Моисеовыми руками

амаликову силу в пустыни победил есть.

Катавасия: Отвérзу уста моя́,/ и напóлнятся Дúха,/ и слово отрыгну Царице Máтери,/ и явлюся светло торжествúя,// и воспою ráдуяся Той чудесá.

Песнь 3.

Ирмос: Веселитесь о Тебе Церковь Твоя Христе, Зовущи: Ты моя крепость Господи, и прибежище, и утверждение.

Катавасия: Твоя песнословцы Богорóдице,/ живый и незавíстный истóчниче,/ лик себе совокупльшия, духовно утверди́/, в божественней Твоей слáве// венцев слáвы сподоби.

Песнь 4:

Ирмос: Вознесенна Тя видевши Церковь на Кресте, Солнце праведное, ста в сине Своем, достойно взывающе: славо Силе Твоей, Господи.

Песнь 5.

Ирмос: Ты Господи Мой, Свет в мир пришел еси, Свет Святый, обращаяй из мрачна неведения верою воспевающыя Тя.

Катавасия: Ужасошася всяческая/ о божественней слáве Твоéй:/ Ты бо Неискусобрачная Дéво,/ имела еси во утробе над всеми Бóга,/ и родила еси Безлетнаго Сы́на,/ всéм воспевающим Тя// мир подавающая.

Песнь 6:

Ирмос: Пожру Ти со гласом хваления, Господеви, Церковь вопиет Ти, от бесовскоия крове очищшия, ради милости от ребр Твоих истекающе кровию.

Катавасия: Божественное сие и всечестнóе/ совершающе прáзднество/ богомудрии Богомáтере,/ приидите руками восплемшим,// от Нея рождшагося Бóга славим.

Кондак, глас 4:

От младенчества Богом избранный,/ и во отрочестве дар учения чудесно от Него приёмый,/ и к пресвiterству в сонном видении преславне призван бы́в,/ пастырь дивый Церкве Христовы явился еси, отче Иоáнне,/ благодати тезоимените./ Моли́ Христа Бóга// всем нам с тобою в Царствии Божием быти.

Песнь 7.

Ирмос: В пещи авраамстии отроцы персидстей, любовию благочестия паче, нежели пламенем опаляеми взываху: благословен еси в Храме Славы Твоей Господи.

Катавасия: Не послужиша твари богомúдрии/ паче Создáвшаго,/ но огненное прещение мужески попráвше,/ радовахуся пою́ще:// препетый отцев Господь и Бóг благословéн еси.

Песнь 8:

Ирмос: Руце распростер Даниил, ьвов зияния в рове затче: огненную же силу угасиша, добродетелию препоясавшеся, зовем: благословите вся дела Господня Господа.

Катавасия: Отроки благочестивыя в пещí,/ Рождество Богородично спаслó есть,/ тогда убо образúемое,/ ныне же дéйствуемое,/ вселенную всю воздвигает пéти Тебé:/ Гóспода пойте делá,// и превозносите Егó во вся веки.

Песнь 9.

Ирмос: Камень нерукосечный, от несекомыя горы Тебе Деве краеугольный отсенеся, Христос, совокупивый разстоящаяся естества. Тем веселящеся Тя, Богородице, величаем.

Катавасия: Всяк земнорódный/ да взыграется Духом просвещáем,/ да торжествует же безплотных умóв естествоó,/ почитающее священное торжество́ Богомáтере,/ и да вопиёт:/ ráдуйся Всеблажéнная// Богородице, Чýстая Приснодéво.

Светилен:

В Храме первозванного ученика Христова священнодействуя, и того апостольское служение веры ревностию подражая, делатель добрый сада Христова был еси, и яко плод мног верныя ко Господу твоему привел еси, через все житие выну вешыя: моя жизнь во Христе есть.

Слава И ныне: Богородичен:

Иже от Тебе рождейся, Пресвятая Дево, и от Духа Своего излиявый на всяку плоть, освяти, прослави и прият в селения Своя вернаго служителя Своего, молитвеника, проповедника, еще же и пророка, с нимже не престай молящи за чтущя Тя.

Или Предпразнства:

Украсися, Вифлееме , новое жилище, ясли и вертеп, пастыре рой сонмища, волеви от востоков в него предварите, звезды светлостию: Дева бо уже Всесовершенного, яко Младенца в то рождает.